

湘綺樓日記

光緒四年戊寅

湘綺樓日記

戊寅正月辛亥朔卯正起黃霧微雨待妻女妝畢祀

三祀

三廟受賀出至陳妹家旋還霖生文心佐卿彭郎孫涵若均入談午睡至申乃起飯罷出詣香孫皞臣佐卿談戊正還街上燈火冷落頗有盛衰之感夢緹齒痛促余就側室

二日陰晏起將出賀年幃莪兩女欲看迎春遣轎送至曾祠兒女攤錢余大負樾岑來過午遂罷出夜復攤錢佐卿池生海槎釋笠雲同來耍伯屏及于吉甫圍棋未至先移攤局試會戲余大勝未終局陳于對弈一局陳負四子三更散

三日陰以國忌不出過佐卿博戲竟日夜還

四日晴出賀年數十家唯笛仙處及黃宅得入見子壽兩母久談佐卿亦
來晚過樾岑飲香孫作陪設臘肉風鷄四盃菜餅初更散至熊署正處
踐昨日戲局之約攜水圍籌還呼兒女共擲投三更始罷連夜均不安
眠力臣自揚州還得汪偉齋書

五日晴昨日笛仙約來以其不輕出詣人故在家待之頭創大發作寒熱
蒙被臥竟日猶出見錫九黃叔琳沈用舟笛仙余子振夜集家人博戲
余不能起臥聽而已竟夜未解衣反覺少安半夜起自煮茶啜一盂復
剖一橙食之而眠

六日陰出拜年竹師陳母家姁叟孫公符息柯處皆自入談還家彭親家
遣迎女壻人力已至云今早起程行八十里到猶未晚步出赴孫海槎
招鶴佐易陳于何孫兄余郎皆先在余詣皞臣略談佐遣來催往則舒
叔雋在坐云已戒洋藥將試令湖北矣報易昀陔之喪將晚始去上燈

入席肴豐而不旨夜雪昇還

七日陰豐兒及新婦回門至巳初方行余以過五日不宜謝客來者並請

入談俄報師竹生來此不宜請者嫌其朝令午改因出陪之佐卿力臣

繼至鮑世兄亦來長談聞力臣與佐卿談宦情戲占一絕云風平浪靜

客閒談笑頂紅欲把道臺夜過伯屏看弈

八日雨欲出聞昇夫已擔擔往彭宅乃止攜兒女博戲子壽來盛稱易昀

咳之美聞所未聞然善於附會亦不能謂其誣也其聯云青陽誓守

不矜臨大節而不可奪重以昏姻約

九日雨與兒女博戲彭郎樹鑫字雋五來云慶來等於前日行六里暗路

到其家不過初更也昨日行則甚困未能入城又云熊師終時無疾黃

曉岱則加病矣夜寒早眠

十日雪攜兒女博戲未終局功兒言煤炭已盡余愍家人之不能理事默

然不樂爲之罷戲凡居家者臘正不買煤爲力錢之加增也此雖小算而豫備節省具有經畫今並此不知故可嗟感少寐夏芝翁來約作麓山之游長談而去得懷庭十二月十四書言浙江冰凍同於湖南亦以爲災與余之見同也卽作復書並復偉齋又爲陳妹作書致梅生言文

臺殯事

十日得懷庭書感寄二首春回無煖律賴有先春書冰雪連天地呻吟共草廬湘筠乾欲折湖柳凍逾疏莫倚陵霜節寒松亦

自孤正旦占黃霧連旬感鋼陰飛光勸汝酒六診果何
心遠莫愁秦晉寒仍戀枕衾稍須膏澤動同播廣都琴夏糧儲來久

談姚立雲欲入爲所阻以皆生客也

十一日晴錫九來論湖南今日無幙府材又言郭意城猶爲明白者陳妹設食請卜允哉卜未至余獨食力臣催客舁往袁熊二叟錫九伯屏先在君詒後至戊散松生送花爆把杯來

十二日陰與六雲論事有感讀莊子天下篇一過意爲豁然夜過皞臣勸其不可輕徙大宅輕棄故宅皞臣云其母意夢緹見龍母云非母意也

夜雪寢覺微熱雪已深矣

十三日晴出報謁夏糧儲因過陳佩秋鮑世兄韓勉吾瞿春陔李仲雲袁

予文均入談還尙未晚十二叔之子七兄世鏞來

字和齋荒貨爲樂以好鏞張人呼七仰

十四日陰龍郎來言其宅已賣當可翻覆否余以不賣爲是鮑世兄文心

胡啟彰黃親家來豐兒自鄉還晨設食招仰七兄卜世兄陳甥便飯與

書俊臣索玉函叢書歷城馬氏所刻也

十五日佐卿伯屏文心來談一日暮客去張燈然燭作湯圓祀

三祀

三廟禮畢擲骰至夜分竟日雨雪至是見月夜夢登一高亭曰冷虹

十六日雨始登樓鈔表記二葉睡半日息柯招往素食力臣王海珊

去紅年

也人在坐夜與力臣赴劉總兵招觀劇怡生肖菴俱在三鼓還

十七日晴登樓鈔記二葉過香孫還睡半日息柯再招力臣香孫同集成

散過文心不遇暢璫先後登樓讀書

十八日陰早飯甫畢佐卿來久談釋海岸笠雲池生繼至約明日戲局登樓鈔表記三葉聽兩女溫書熊鶴翁來高主事來出答訪陳萬全高主事皆不遇矚亡之意也過伯屏云唐宅有攤局鶴翁踴躍欲往佐卿不赴也余還飽食而去戲三局未畢伯屏大負草草散余負萬錢

十九日雨晨臥聽頗感昔歡李伯元詩云十年前夜秋千院闌外瀟瀟是此聲余聽之則非此聲也飯後公符來黃子湘來午出赴佐卿約云局不成遣招熊老擲骰行官格至初更過皞臣談少坐乃歸去年曾祠游宴最盛今年唯存余氏皞臣亦移去談友稀矣鈔記一葉夜講坊記

二十日陰夜雨登樓鈔記二葉兩女溫書張冬生來袁予文教官來問余何不赴挑惜其不得知縣余唯唯而已午睡一時許出赴任雨田招陪子師林子澣遇李次青次子拔貢生某頗欲扳談余亦漫應之李去客

入坐王子謙彭子和彭郎辛叟同席雨田陪客而其父出名猶有儒禮
夜講坊記文心來辭行

二十一日寒雨鈔記二葉張冬生來兩女溫書寫字非女染木作小簪綠
色不能顯蓋用綠太好之故凡油漆綠最顯質甚粗也啣穀招飯樾岑
盛錫吾君詒胡啓彪皆先至讓余首坐官禮也樾岑出筠仙海外書自
悔其莊語引莊子爲證余謂莊子言不可莊語卽孔子不敢危言之意
莊子言更切於聽耳夜還講禮記

二十二日雨袁守愚來出訪翁叟便詣皞臣至子孫菴酒肉沙門船宇設
食請唐氏六人李仲雲父子陳任二編修俞開甫唐氏令要余往云有
賭局至則無有其地非余所宜至以正月好戲耳然足損人暮未散余
先出赴池生招已不能食聊入坐看二席賭酒恐有泥醉者力阻之幸
各罷散擲投一局還云已三更矣昇人冒雨甚苦亦不宜也今日有兩

過舉兼未鈔書令兩兒講禮記庶乎奏雅於曲終耳

二十三日晴梁仲玉來文心約其往衡陽看課卷也飯後出弔楊朋海父喪便過樾岑文心皆遇閻季容文心處又遇潘恭敏詣子襄未遇姚立雲來同過伯屏飯主客十人酒罷攤錢衆人聞賭勝負不賭銀錢半不樂唯伯屏與余同好立雲李拔貢亦尙不汲汲於贏輸未終局散余與伯屏皆負然猶未豪也伯屏頗膽大余則把細各有所長惜其技皆不精有愧於袁彥道近人不知賭趣以賭爲必須錢宜其禁賭廚中無米往池生處借錢十千

二十四日晴新年初值佳景竟日閒寂頗爲恬適瞿郎海漁來登樓鈔記二葉看謝茂秦詩話詩初未成句彭子和來對之欲昏睡及去大睡一時許夜講坊記畢

二十五日缺

二十六日缺

二十七日陰晴曉眠未欲起聞許家橋李孝廉來以

曾祖墓在其宅後勉出見之云其舅成雨林方欲構訟請余往議之許爲

一詣縣客去甚倦仍睡外間傳書信者紛至又起勾當至午始食作書

復瀏陽李生出詣香孫還餘兒女移鄉莊讀書鈔記一葉講中庸爲高

主事改詩

二十八日陰晴早飯出報謁常霖生及常生笛漁閣季容張子蓮出城展

墓見塋旁有隙地欲爲陳母塋兆呼菜傭蕭姓往詢入瀏陽門甚飢還午

食已具飯畢出城坐小艇附行舟西正開行子正至竹步澗無風泊待

曉

二十九日早陰纜行二十里至湘潭入觀湘門尋泗洲巷黎家亭子偕韵

宅均尙未起頃之一嫂及從子婦從孫男女均出拜早飯畢與偕子步

至西禪寺尋李石貞孝廉兄弟過

先高祖祠見俊民九兄寄居祠中甚不相宜然後兄已腫病不能起亦不便促其移出也至碧珠七弟雲卿三兄處遇雨舁還飯畢少睡李翁煦村來言許橋墓事言詞虛張甚不以爲然姑妄聽之遣招成姓以李在
不入夜至子宿偕書室

三十日陰出詣縣令云往郭宅作弔入見其子莘漁至五父處補行赴喪族弟外出見其繼母至西禪寺答訪李建八還段甥沈生七弟李翁黃莘漁相繼來大嫂姪自寧田寺來同飯夜李叟又來言訟事頃與莘漁言及莘漁怫然有忤色李云莘漁受賄故也余初亦慍繼思之非我事何煩強與夜看圭齋文集莊氏叢書寅正大雨牀有漏呼人起漏亦止夢監試諸生有二人不能完卷其一飭令不必再作其一則功兒也余云女詩賦尙可試他題試其賦以三年化石爲韵屬草半就因爲改

一聯云小孤來往之間 風 落日盤旋之地赤石搖杉旣而見其

稿則仄韵有秦齒二字俄然而覺

二月辛巳朔晏起李叟又來久坐不去將食乃去大雨兼小電雷電待久

之始集昇夫出瞻嶽門昇中作雜詩六首

鳳竹菴前晚霧生閒吟無限古今情湖隄處處皆非舊新

種芭蕉雪打聲 仲雅白風流驪駒一厄吟成剛塗雨堪並萬功開後人那識

泥行苦芒屨不見得來德機士廬空山邊十頃田每來松竹故依然

誰夷出屋花如雪閒憶新昏廿五年 怨長輕絕感交親 又贈黃子冶

令君一首

俗積雨無時歇平蕪綠自春一城荒似昔大邑久憂貧行二十

六里至蔡宅外舅已入縣矣家中方譟言與循急病將死倉皇殊甚久

之病愈與循出見略談不及正事也叔止踰窗避余去薊女亦竟未出

二姪甚依依是日大雷電雨

二日雨留一日棣生自贛洲回外姑促令爲桐生改賦二篇繙范漢書一

過出賦題八

三日晴飯後約與棣生弔李舅之喪棣云將謁祖墓余亦同往賦一詩云

千粒寒松覆墓青老成遺範想平生已過李宅闕無一人棣生亦竟不

至今百戲朝正節莫諱當時任俠名

入可怪也遂行至城外過外舅寓亦無一人覓鑰開門入臥半時許外舅還待飯熟已暮至湘岸大水平岸船多開行又昏黑不便事仍還李建八待余決訟止之不可乃誑之云已說矣聞黃令君來答拜又請飯亦不能去也

四日始定晴晨起待飯至巳初乘小艇至中流附湘鄉倒爬以行三時許至省城外從大西門登岸朝宗門入非女姊妹七人三弟夫婦已於初二日下鄉矣家中去十三人猶不覺寂寞可謂浩穰也夜寢未熟至曉始酣睡

五日晴辰起獨攜莪女飯飯後登樓欲作張夏事略檢未得欲鈔禮記豐

兒亦帶去閒看錢大昕雜錄袁守愚來前託竹師薦從涂撫書記涂來拜而未約同行詢之不知何意也午睡至申方食佐卿理安來同飯至暮去同行看省城隍祠徙作三殿殊費財力以新雨街後溼恐夜難行止至香孫門未入而散至家竹師遣要尋其舊寓門閉不啓內有湘鄉人云已移白鶴井復至香孫宅傍訪得之雜談而還雨又作

六日雨閱養新錄仲雲來得子壽書寄銀卹其嫠嫂彌之保之遣使來陳生亦以書至鄉中人還促余入學云滋女思歸也明日當去遂棄城中諸酬酢不顧矣夜作書復二鄧程陳兩生瞿子玖至子寢

七日朝雨辰晴命舁夫飯後舁行出小吳門凡十里一愒三愒至東山余入彷彿以爲槩黎市也未問途舁人初未經涉乃傍水行久之覺路差異已至屋前而路皆不熟入青龍祠問居人老婦指柏樹轉彎傍澗行半里入山莊諸女皆上學滋女思歸少勸之卽止命埽上房鋪牀設坐以

諸女均暫居書房俟張宅移去乃定居也亥寢 初至時鈔記二葉夜
豐兒講中庸於父母其順未達記意

八日晴鈔記二葉緇衣畢以辰起待飯久飽食少倦暫臥二刻許撰軍志

十一葉攜滋女瀏岸眺望以坐齋中溼氣頗寒也遺禮書還下缺仍撰軍

志半頁下缺曾侍郎事王定安所記洽與下缺年譜又爲鏡初扣去姑

輟之下缺中庸是日出游見白梅始開桃李已纍柳萸與花並發有綠

意矣梅之粉紅者香色俱佳謂之江梅若常梅殊不及桃李但微香耳

爲滋女講史記一葉夜將半雨又作

九日雨竟日沈陰鈔記二葉作軍志一葉半湖南提督歷任官亦宜攷覈

以備記載講中庸春秋修其宗廟乃悟余闡墨之謬爲滋女講史記一

葉

十日陰雨鈔記二葉次咸豐五年軍事殊不明晰因念褒忠錄雖斷爛旣

有成書不可不詳觀因爲鈔撰營官之可攷者此書畢將徧閱曾胡集而撫拾焉今日看兩本

十一日陰鈔記二葉繙曾滌丈文集見其少時汲汲皇皇有俠動之志因思諸葛孔明自比管樂殊非淡靜者而兩人陳義皆以恬淡爲宗蓋補其不足耶然則余當以跌宕爲志不宜幽怨也檢忠錄二本頗不若昨日之條晰知其無益而不可不爲者此是也爲之則當有文理今日殊草草明當改之爲豐兒改文十餘句題爲學而不思一章彼未能暢發王鏊亦有此一句文更寥寂於豐夜講中庸行之一也凡二見似贅設無著落爲滋女講史記三葉軍中左右禮所以分別去留猶言反者右袒報國者左袒耳軍士以呂氏即劉氏故爲曉之其言當不止此是時平勃猶畏死產祿可知殊不及仇牧之

下缺

漢臣一死而產祿必敗何

用

下缺

以爲厚重此固不可無學也者

十二日雨晏起鈔記二葉奔喪篇畢看忠錄一本河南馬德順者前爲湘軍馬隊將余在祁門從問牧馬方別十九年遂不相聞以爲留江浙補鎮將矣及閱陣亡冊乃知其於十二年前戰死甘肅愕然傷之爲作一詩往曾侯議立馬隊何應祺利之而怯於敗漫取几上書占之正得杜集詩云苦戰身死馬將軍喪氣而止余嘗笑之君定不戰死詩妖無驗耶此唯余識之將廿年乃悟其識意者德順名不當泯不然何精神往來於吾心也德順官至提督諡武毅詩曰

曾侯昔起田間師將用拙速勝巧遲腰鎌執挺五千衆大捷

捷湘上名天知當時提督一馬竿突陣橫舟賊風電馳南人好船不好馬水師萬舸橫江湄三河一敗兵如灰雖有舟楫無由施陸軍氣奪賊馬農都統騰揚項強歷直百隆阿始知年二十聘身下曹公不敵董卓兒驅勒驍夫學騰跨建兩旗(多)不(阿)宜我知年二十聘身下曹公不敵董卓兒驅勒是時王師苦多骨炎方侯蜀避地黃山隱驕將塞馬識馬性如造父孫汧牧娛嬉踰鞍風一秋何生盤膝壯骨士脈和不協革心顏尸怡秋侯一牧方聊小用千金但覓果下騎春風日偶生盤膝壯骨士脈和不協革心顏尸怡秋侯一牧方聊小用千金但覓果越女蚩爾來廿年不問事死生貴賤和天何倪爲憶爾賸涼驕千里使鬱心熱神傳疑松陰長簾恍未冷苦戰身死(真)何倪爲憶爾賸涼驕千里使鬱心